



REPUBLIKA E KOSOVËS/REPUBLIKA KOSOVA  
GJYKATA THEMELORE MITROVICË

---

Numri i lëndës: 2023:067454  
Datë: 30.04.2024  
Numri i dokumentit: 05643648

**C.nr.324/2023**

**GJYKATA THEMELORE NË MITROVICË**, Departamenti i Përgjithshëm, Divizioni Civil, me gjyqtarin individual Fuad Haliti dhe me bashkëpunëtorin profesional Eron Prekazi, në çështjen juridike kontestimore të paditësve 1.Sh.... P...., 2.J.... G..., 3.B... H..., 4.N... Z.... dhe 5.Q..... H.... Gj..... nga Mitrovica, të cilët sipas autorizimit të përfaqëson av.Leutrim Ademi nga Mitrovica, kundër të paditurës Komuna e Mitrovicës, Drejtoria Komunale e Arsimit, të cilën sipas autorizimit e përfaqëson av.Gjejlan Pasoma nga Prishtina, me objekt kontesti: kompensimi i shujtës ushqimore, jashtë seancës gjyqësore, me datën 30.04.2024, mori këtë:

**A K T G J Y K I M**  
(Në bazë të pohimit)

**I. APROVOHET** si e bazuar kërkesëpadia e paditësve 1. Sh.... P...., 2. J.... G...., 3. B.... H...., 4. N.... Z.... dhe 5. Q..... H.... Gj..... nga Mitrovica.

**II. DETYROHET** e paditura Komuna e Mitrovicës-Drejtoria Komunale e Arsimit, që paditësve, në emër të kompensimit për ushqim (shujtë ditore) gjatë punës, për periudhën kohore prej 21.01.2021 deri 22.11.2022, dhe atë:

- Sh... P.... për 235 ditë pune, shumën në lartësi prej 470€;
- J.... G.... për 316 ditë pune, shumën në lartësi prej 632€;
- B... H.... shumën për 340 ditë pune në lartësi prej 680€;
- N... Z.... për 278 ditë pune, shumën në lartësi prej 556€;
- Q.... H... Gj... për 294 ditë pune, shumën në lartësi prej 588€;
  
- Të gjitha këto me kamatë ligjore në lartësi prej 8%, nga data e ushtrimit të padisë (datë 22.02.2023) deri në pagesën e tërsishme, si dhe shpenzimet e procedurës kontestimore në shumë prej 353.00 €, të gjitha në afat prej 7 ditësh nga dita e plotfuqishmërisë së këtij aktgjykimi, nën kërcënimin e përmbarrimit me dhunë.

**III.KONSTATOHET** e tërhequr kërkesëpadia e paditësve 1. Sh.... P...., 2. J... G...., 3. B... H...., 4. N... Z... dhe 5. Q.... H.... Gj.... nga Mitrovica, për kompensimin e 8.3% të pagës vjetore kumulative.

**Arsyetim**

Paditësit, me datën 22.02.2023, pranë kësaj gjykate ka paraqitur padi, kundër të paditurës Komuna e Mitrovicës, Drejtoria Komunale e Arsimit, me anë të së cilës kanë kërkuar që të obligohet e paditura që në emër të kompensimit për ushqim (shujtë ditore) gjatë punës, për periudhën kohore prej 21.01.2021 deri 22.11.2022, t'ua kompensojë shpenzimet në emër të shujtës ushqimore. Shpenzimet e procedurës i ka kërkuar dhe specifikuar me parashtresën e datës 13.11.2023.

E paditura në përgjigjen në padi të datës 08.02.2024, e ka pohuar kërkesëpadinë e paditëses sa i përket shujtës ushqimore, ndërsa e ka kundërshtuar sa i përket kompensimit të shpenzimeve procedurale.

Gjykata pas shqyrtimit të padisë, provave që gjenden në shkresat e lëndës, si dhe përgjigjes në padi të paraqitur nga ana e të paditurës, në kuptim të nenit 8 lidhur me nenin 148 të LPK, gjeti se kërkesëpadia e paditëses është e bazuar, andaj pa caktuar seancë gjyqësore, vendosi lidhur me kërkesëpadinë si në dispozitiv të këtij aktgjykimi.

Gjykata pas pohimit të kërkesëpadisë nga ana e të paditurit, lidhur më kompensimin e ushqimit në punë (shujtave ushqimore), konstatoi se në këtë çështje kontestimore kemi të bëjmë me kërkesë me të cilën palët mund të disponojnë lirshëm, në kuptim të nenit 148 paragrafit 1 të LPK, me të cilin përcaktohet se *“në qoftë se i padituri deri në përfundimin e shqyrtimit kryesor të çështjes e pohon kërkesëpadinë pjesërisht apo tërësisht, gjykata e jep, pa shqyrtim të mëtejshëm, aktgjykimin me të cilin e aprovon pjesën apo gjithë kërkesëpadinë (aktgjykimi në bazë të pohimit)”* vendosi pa shqyrtim të mëtejshëm si në dispozitiv të këtij aktgjykimi.

Vendimi mbi shpenzimet e procedurës është marrë në bazë të nenit 452 paragrafi 1 dhe nenit 453 paragrafi 1 dhe 2 të LPK, sipas të cilit pala e cila e humb kontestin tërësisht ka për detyrë që, palës kundërshtare t'ia kompensojë shpenzimet gjyqësore.

**GJYKATA THEMELORE NË MITROVICË**  
**Departamenti i Përgjithshëm, Divizioni Civil**  
**C.nr.324/2023, datë 30.04.2024**

**Gjyqtari**  
**Fuad Haliti**

---

**KËSHILLË JURIDIKE:** Kundër këtij aktgjykimi është e lejuar ankesa, në afat prej 7 ditësh nga dita e pranimit se të njejtit, Gjykatës së Apelit në Prishtinë, e përmes kësaj gjykate.